

滎河縣志叙

志史類非易事也世有遠近人有賢否政有得失
歲時有豐歉風俗有美惡山川有變遷禎異有真
偽筆之削之予之奪之一字一句之間意義謹嚴
文辭道勁務在淑人心法當時垂後世裨益

聖君賢相正大光明之治而不使亂臣賊子輩出乎
其下也呂東萊曰史官者萬世是非之權衡司馬
涑水曰李延壽近世佳史叙事簡徑但恨不作志
夫志類史軼材博識者當之豈易事哉滎河右冀
州地繼分裂于晉魏今隸平陽郡蒲州舊無志事
僅載通志中掛一漏萬漫無統紀而于近代事迹
率未盡收今年春

大巡舜澤蘇公按臨茲邑行見風景陵廟河山古
蹟之致殊絕完邑且與所志不合命網編纂網非
其人也然適爾命至退惕弗暇嘗聞朱考亭與趙
訥齋論綱目手書猶為強附未安之說何也亦以
其不易也夫綱目天下萬世史也滎之志一邑史
也雖非等倫然史公于一邑則天下萬世者因弗
公矣可易乎哉是故網謹按通志所載因其詳略
攷諸經史詢諸耆舊參以己意撮準事之體要分

為八綱以統眾目四十有三後附詩文碑刻以終厥集復謀諸縣令唐子綸教授周子晟命生員武思忠等更搜訪湮沒未盡之跡彙入編次校正數四字句之末固弗克獲事曰物曰竅繫而其世與人與政與夫歲時風俗山川禎異之端委展闕間亦可槩見夫綱匪不自諒敢以是任弗欺也仰惟我

蘇公東魯濮陽人為

時碩望早擢進士第升豸院不特

朝綱振肅而觀風三晉節約嚴整諸狐兔類遠聞奔走民物熙熙如躋春臺之人而是命之及敢忽乎哉斯舉也河東分守灤西王公分巡乾谷辛公節推范溪焦公協贊厥謀蒲守澄江陳公樂董終事而唐令廼篤飭邑政馬者克副

公美意遂捐已俸以饌諸梓謹併書之

嘉靖十七年歲次戊戌夏四月之吉

平陽府蒲州猗氏縣儒學教諭應天後學宋綱頌
首書

榮河縣志目錄

第一卷

疆域志

沿革

分野

至到

城池

形勢

風俗

節令附里分

山川志

山類

水類

河源附鄉村

鎮市

坊巷

田賦志

貢賦

土產

戶口

力役

課程

祠祀志

祠廟

壇壝

建設志

學校

公署

鋪舍

亭院

牌坊

津梁

倉場

古蹟志

城壁

陵墓

禎異

景致

寺觀

丘冢

官守志



忠節 惠政 學政 題名 聯今學官

人品志

孝行 文學 武藝 才德

科貢 例貢附貞烈 仙隱

第二卷

集文

太乙歌 秋風辭 俱漢武帝

祭后土文 唐玄宗 汾陰二聖配饗銘

汾陰禮成詩 俱宋真宗 祭商湯王文 十通

諭祭蔡瑄文 正孔子祀典說

制命 俱國朝

題詠

詩

舜湯王廟 懷元鼎故事

汾睢懷古 二首 漢武遺亭

秋風亭故基 汾河晚渡 三首

汾上驚秋 汾陰渡

秋風舜亭 三首 祭湯王陵

望湯王陵 八景

登汾陰祠 汾陰祠 二首

過汾河雨晴

春雨二首

后土祠

真宗汾陰行宮有御製碑四全人

辭

汾陰辭

喜雨詩附

歌

肩岡隱讀歌

四渡歌

行

汾陰行

頌

祀汾陰壇頌并叙



疏

諫幸汾陰疏

記

代祀汾陰后土記

重修后土廟記

重修太寧廟記

叔修棲雲觀記

退思堂記

重修儒學廟記

武壁門記

銘

新修成湯廟碑銘并叙重修成湯廟銘

叙

湯陵禱雨感應叙 高縣令德政叙碑

藏園傅氏馬本

滎河縣志卷之一

應天後學宋 綱 編纂

荷氏縣學 教諭

疆域志

在昔弼成五服之制詳後世疆域之遠近大小者有定額滎河為今僻邑歷代亦屢遷改此先弗辨則縣之沿革分野至到城池風俗里分之無據可稽矣故先辨疆域

沿革

滎河縣古綸地夏少康邑戰國為魏汾陰地漢置汾陰縣屬河東郡晉時劉洲省入蒲坂縣後魏復置屬汾陰郡隋屬河東郡唐屬秦州尋改屬蒲州開元中改寶鼎縣宋真宗祀汾陰有滎光溢河之瑞改曰滎河縣置慶成軍尋廢以縣屬河中府金置滎州元仍為滎河縣我

朝因之編戶三十三里

考證

夏少康啟之孫相之子相崩立少康初相

后婚方娠逃出自竇歸于有仍生少康長為仍牧正寒浞之子澆使椒求之奔有虞為扈正虞君思妻之二妣邑諸綸有田一成有眾一旅能布德而光其謀以收夏眾而撫民職○戰國為

藏園傅氏寫本

魏汾陰地魏之先畢公高復與周同姓其苗裔曰畢萬始封于魏至魏舒始為晉正卿三世至

斯俱見綱目○漢武帝祀汾陰因改地為縣惟有汾

陰城事見古蹟○劉洲匈奴種為左賢王監五部軍

事晉惠帝永興元年自稱漢王二年秋七月徙

都蒲子州今隰三年春正月因太史以星變言蒲

子崎堰難久安平陽氣象方昌請都之遂徙○

蒲坂蒲州東五里晉文公以蒲賂秦秦還蒲魏

人喜其反因名其地曰蒲坂○唐開元中明皇

改汾陰為寶鼎縣事見祠祀○宋大中祥符四年真

宗躬祀汾陰時天氣清明上下助順詔驛所止

榮光溢河上命改邑名以榮河軍額以慶成俱見

通鑑綱目○國朝榮河舊轄四十二里成化二十年

大荒後併作三十八里弘治年間併三十五里

正德初又以裴莊大謝二里併入王胡張儀等

里今止作三十三里云

分野

帝王世紀云自畢十二度至東井十五度實沈之

次今晉魏分野州郡纏次云河東入張一度唐志

云河東道古冀州之域為實沈大梁寰宇志云平

陽背參之次祀汾陰壇頌云直大鼎之南街距緒
綸之半舍滎河屬平陽隅西南當參井之次大鼎
之南也

至到

本縣東至猗氏縣八十里南至蒲州一百二十里
西至黃河一十里北至河津縣八十里東到安邑
縣一百四十里東北到萬泉縣七十里東南到臨
晉縣六十里南到吳王寨五十里東北到聞喜縣
一百九十里東南到解州一百三十里西北到稷
山縣一百三十里至本府三十里至省城九百里

南京二千五百里

北京二千一百里

城池

本縣城隋文帝所築元至正十四年主簿邢天傑
修葺週遭九里八步東近巖坡百谷西逼黃汾合
流歲久風雨浸淫高下不能齊一壕池俱被平塞
西抵河岍東南北關三門各建樓于上景泰初年
知縣于縉重脩成化六年知縣馬慈重脩嘉靖十
七年知縣唐綸時加修飾庶幾改觀于昔

形勢

本縣東據峨嵋西臨黃河北連汾水南接百谷遠
峙孤山之秀在萬泉地方近依雕土之雄祀汾陰壇頌
云原隰相屬瀟迤而龍鱗堆阜孤標岷岫而雲矗
書載媯汭名二水在其境詩歌韓奕亶其右靈掌標
于巨嶽素汾合于洪河送勢奔超迅湍激射網為
教諭周晟撰明倫堂聯對云孤岫連雲亶地聳層
霄之筆河流如帶長風衍萬里之文

風俗

古今異宜人情異態縣瀕黃河生理鮮少惟藉耕
與讀耳舊志云民儉俗純務農少商祀汾陰壇頌
云瞻彼冀方奠厥中域水土深厚風俗勤儉敦汾
沃野盡闢於污萊豐實敦朴有同于滄古而今則
不然矣健訟者寧亡身喪冢事神者甘鬻產枵腹
婚姻崇夷虜之風喪祭尚道佛之謬而惟彼發迹
黌校學士大夫遵法孔孟不為其所隨逐也

節令

元旦各家掛五色紙錢祭祖焚財賀節上

元夜燒燈放炮賽神十六夜男女出遊祛百病
清明插柳祭墓掛紙錢士女鞦韆三月十八日
后土祠作會四方商賈百物設賣三四日四月
初一日帶皂角葉目明端午懸艾虎包角黍帶

葵榴七夕穿針鬪巧中秋賞月重九賞菊十月
初一日祭祖燒寒衣除夕飲昏焚紙火不放炮
網按崇與猗接境民情土俗不相遠甚婚姻不
辨舊家世族惟有力有勢者為之有力穀粟之
多積者是也有勢眾稱為好漢之家是也不然
男女終身不得就迄今男近三四十者無妻女
近三四十者無配古者喪葬以躡踊哭泣衾
棺擲為厚榮之民遇喪則崇事道佛修齋設醮
舞搶去錢七日七夜謂之對壇寫立合同萬一
誤傷致死不許經官償命出葬則車載戲子搬

弄雜劇走馬搶紅好漢打擗夫搬戲搶紅猶之
可之打擗音類一節尤為可惡喪家懸設銀牌輕
者一錢重者不過二錢招集四方好漢稱為君
子硬證寫立文書打勝者謂之好漢迎賀還家
打不勝者死則即埋一同僧道對壇故事夫兩
人相敵必有勝負銀牌之設所有幾何圖好漢
之名一旦傾死所謂喪滿壑而不顧者此也至
于健訟以成刁風事神以徵福祉崇猗晉萬為
最嗚乎風俗至此實可哀也因附錄以俟觀風
君子懲焉

里分

宣化里 崇教里 明陽里 百喬里 神百里

安昌里 西李里 薛公里 相村里 蔡高里

衛陽里 程樊里 范家里 楊庄里 張儀里

白崇里 大賈里 圪西里 北李里 謝明里

馮村里 南張里 鄭村里 王胡里 百祥里

番底里 天興里 孫吉里 趙村里 秦村里

董村里 王哲里 魚村里

山川志

禹奠山川以別州境故天下方向至于今人具

知之榮河古綸地雖無山嶮然黃河汾水合流
所經城峭坡屏峙其東亦不可不志志則鄉村
鎮市坊巷可類推矣

山類

縣東據城峭坡高四里北連開喜南貫臨晉東北
則萬泉之孤山屹立坡上迄至西南而下馬以其
形似城峭故名地土廣厚頗宜種植屬縣鄉民爰
處於斯者多所富庶但井深千尺水不易得馬耳
我

朝名宦張昌製有峭岡隱讀歌

錄見
集文

水類

縣西距黃河十里其流自龍門而下奔騰迅快勢不可遏去縣東北十里后土祠旁汾合于河匯為巨流經于縣西每值夏秋雨甚水易入城馴趙村過瀉泃厯首陽直貫三門集津而下尋入于海晉成公綏及我

朝文清公薛瑄作有黃河賦

見通志

河源元至元十七年遣使都實窮河源四閱月還繪圖上言河出吐蕃朵耳思甘西部泉百餘泓方七八十里沮洳散渙登高望如列星名星宿

海群流奔轅近五七里匯為二巨澤名阿刺腦兒自西而東連屬成川號赤賓河又合亦里赤忽闌也里求三河其流寢大始名黃河又歧為八九股行二十日至大雪山名騰乞里塔即崑崙山也由南至潤即及潤提二地始相屬又經哈刺別里赤兒之地合細黃河及乞兒馬赤二水北行復折西流過崑崙北又轉東北行約二十餘日至積石始入中國約自發源至中國計萬里內溪澗流絡莫知紀崑崙之西人跡簡少山皆草石至積石方林木茂暢世言河九折蓋

彼地有二折焉。○馮智舒曰汾水源出太原奇嵐經流靈石趙城洪洞臨汾等地南歷襄陵太平絳州河津滎河注于黃河

鄉村

縣東曰萬善鄉南曰寶鼎鄉北曰汾陰鄉東曰坎東村坎西村吳庄村范家庄楊家坡王哲村小謝村李庄大謝村吳村魚村程哲村言村大賈村思也村五樹村高村偏店村賢胡村青谷村許村張村楊村東王顯庄張儀村白庄村西王顯庄趙庄竹家庄西趙庄程樊村南曰丘家庄衛陽庄貼百

頭孫杏鎮賈村蔡高天興蔡村尹村南周村薛公村程村相村周村周賈村西李村南胡村北胡村司村丁村王午庄小王村大王村新庄村三家村高村番底村楊董村北底村南趙村北趙村安昌村牛村屈村臨河村北曰上范村下范村倉李村廟前村湯原村西頭村店上村斜口村寨子村新庄村家店村王擔村何村羅池村小屈村秦村孫石村裴庄村丁王村火燒村何庄村周王村上場村車子村馮村鄭村謝村北張村鄰居村桂蘭村楊蓬村丁村車頭村東王黑村西王黑村馮張村薛

稽村

鎮市

在 cities 正德年間勅立馮村市在城東北二十里
薛松庄市在縣北四十里孫吉鎮市在縣東南二
十里已上俱古有之西李市在城東南二十里廟
前市在城北十里俱嘉靖初年創立今存程村市
在城南三十里王顯庄市在縣東四十里以上俱
嘉靖初年創立今皆廢

坊巷

宣化坊崇教坊俱在城明陽坊在城南門外俱立
有坊甲統率居民以應縣役儒林巷興仁巷崇化
巷靜安巷俱在城

田賦志

夫自井田制廢助役法興而天下之田賦不逮
于古者遠矣我

朝緣古立法田均賦正于諸貢納土產戶口力役
課程雖曰繁衍不過求馬因志滎河田賦以見
之

貢賦

貢類柿餅伍百壹拾柒斤猪苓等藥貳拾伍斤皮

壹拾張羊叁拾肆隻

賦類

田地四千七百三十四頃四十一畝稅麥七千五百六十四石五斗四勺八抄六撮糧粟米三萬一千五百石五斗四升七合九勺六抄八撮草六萬一千三百一十一束九分九釐桑八百八十五株絲五斤三兩五錢素一千三百一十七株

國朝詔免山西陝右二省夏秋祖稅洪武九年三月山西陝右地居西北山河壯麗昔我中國歷代聖君皆都此而號名萬邦曩因元主華夏民無

的主已經百年矣朕自丁午年復我中土繼我聖人之位建都炎方于今九年矣其間西征燉煌北討沙漠軍需甲仗民人備之外有轉運艱辛內有秦晉二府宮殿之役愈繁益甚自平定以來民勞未息今者方寧正當與民同享太平之福朕于今年三月二十五日勅中書度倉庫軍有餘糧特將山西陝右二省民間夏秋祖稅盡行蠲免以醒吾民於戲民有君艱則天下大治五常如今則風雨乃時惟爾臣民想宜知悉嘉靖十五年十一月初六日詔云嘉靖十六年

天下稅糧不分起運存留以十分為率俱免三分災傷地方免四分以蘇民困

綱按滎河田地素稱瘠薄且當黃河合流之衝土地卑濕沮洳重之以峭坡百谷之近雨急則滂坡高土厚雖宜種植無雨則旱禾稼往往為其所害而年不豐稔者十常八九况近年民并肆加存恤可也

土產

穀屬 黍 稷 粟 粱 蕎 大麥

小麥 豌豆 菜豆 黑豆 小豆 秣豆 豇豆

扁豆 白豆 紅豆 芝麻

藥屬 猪苓 大棗 小棗 蒼朮 槐實 皂莢

杏仁

菓屬 棗 梨 杏 桃 李 石榴

柿子 葡萄 沙果 西瓜 胡桃 梅子

蔬屬 蔥 蒜 韭 茄 芹 蔓青

萹苳 冬瓜 菜瓜 王瓜 絲瓜 葫蘆 菠菜

蕨菜 芡菜 芥菜 白菜 胡蘿蔔 白蘿蔔

花屬 葵 菊 榴 薔薇 金盞 萱草